

ایکینچی سنه

نسخه ۲

نومرو : ۸

خزینہ اوراق

تاریخ تاسیسی

۱ مایس سنه ۱۲۹۷



مؤسسی

محمود جلال الدین



تاریخ طبع
و نشر

بو رساله ادبیه جمعہ ایرتسی کونلری چیقار

جنتہ قمر سامی پاشانک آثار حکیمانہ لرندن

اخلاق ذمیه ایکی نوعدر برینک فعلی علنی
دیگرینک خفی در علنیسی قطع طریق قتل نفوس
اذای هم سایه و بونلره بکرز جنایات ظاهره درکه حکام
سیاسیه همتلریله متجاسرلری تأدیپ و زبیه اولنهرق
بعضاً توبه و ندامت لرینه و امثاللرینک تنصح و اعتبارلرینه
باعث اولور .

نوع خفیهسی غیظ و غرض کینه و حسددرکه
اصحابی اقتدارسز اشخاص ایسه مقصدینی فعله کتوره -
میوب خودبخود متأذی و متلم اولور لکن حکمنی ایقاعه

مقتدر صاحب نفوذ ایسه استیفای لذائذ اغراضدن
 کندینی اله میوب دائماً استکمال حظ نفس داعیه سیله
 ابنای جنسنی دوچار عقبات رنج و غنا ایلر دواسی
 بولنمیان بویله بردردک چاره سی خوف خدا و یابین العالم
 شرم و حیا در بویکی خصلت جمیله بی التزام ایتدیره جک
 شی ده حسن اعتقاد ایله رحمت حقّه اعتماد در لا ابالی
 اولانلر خوف خدادن بی محابا شرم و حیا دن بی پروا
 اولور بالفرض اهل حیا اولسه بیه اجرای شر و کینه
 و حسد دسایس و حیل اعمالیه طرق مستوره تحتنده
 جریان ایتک عادت اولدیغندن علنی دکلدرکه موجب
 شرم و حیا اوله بو تقدیرجه رأس الحکمة محافقه الله
 یالکز انتقام رب الانامدن اجتناب ایتک کافی و بویولده
 کدران ایدن جباره نک نتیجه حال و شانلری ارباب
 مطالعه به برهان وافی در .



ادیب عالیقدر کمال بک افندینکدر

—

سفسز کچن زمانلر جنتده اولسه کوکلم
 اکلندی ظن ایدرسهک بالله الدانیرسک